



**REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME**

Rruga "Jordan Misja", Pranë Gjykatës së Krimeve të Rënda

Tel. +355 4 2232 852

Nr. 833 Prot.
(lutemi referojuni në rast përgjigje)

Tiranë, më 02/08 2010

Lënda: Dërgohet Raporti për aktivitetin e Shërbimit të Provës.

Drejtuar: **Z. BUJAR NISHANI**
MINISTËR I DREJTËSISË

TIRANË

I nderuar zoti Ministër!

Mbështetur në nenin 9, gërma gj), të VKM nr.302, datë 25.03.2009 " Për miratimin e Rregullores " Për organizimin e funksionimin e Shërbimit të Provës dhe për përcaktimin e standarteve dhe procedurave për mbikqyrjen e ekzekutimit të dënimeve alternative", po ju paraqes raportin e aktivitetit të Shërbimit të Provës për muajin **Korrik 2010**.

Bashkëlidhur ju përcjellim Raportin.

Me respekt,

DREJTOR I PËRGJITHSHËM
ARBEN SEFGJINI



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

R A P O R T
PËR MUAJIN KORRIK 2010

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Korrik 2010.

I. Statistika

Për periudhën 01-31 Korrik 2010, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01 Qershor 2009 - 31 Korrik 2010, statistikat rezultojnë si më poshtë:

1. Numri total i të dënuarve me dënime alternative të dhëna nga gjykatat.

Numri total i të dënuarve me dënime alternative që janë mbikëqyrur nga Shërbimi i Provës në të gjithë vendin, për periudhën **01.06.2009 - 31.07.2010**, është **1924** të dënuar.

Nga 01.06.2009 deri më datë 31.07.2010, kanë përfunduar periudhën e provës nën mbikëqyrjen e Shërbimit të Provës **75** të dënuar, pra ka përfunduar me sukses procesi i mbikëqyrjes për ta.

Kështu numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **1849** të dënuar.

I ndarë sipas Zyrave Vendore (duke llogaritur dhe të dënuarët që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyrin në komunitet nga Shërbimi i Provës **857** të dënuar me dënime alternative.

- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **337** të dënuar me dënime alternative.
 - Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **329** të dënuar me dënime alternative.
 - Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **326** të dënuar me dënime alternative.
2. *Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.*

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej **1849** të dënuarish, numri mesatar i të dënuarve që mbikëqyren nga një punonjës në nivel vendi aktualisht është **62**. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje **86** të dënuar për çdo punonjës.
- Zyra Vendore Durrës ka nën mbikëqyrje **48** të dënuar për çdo punonjës.
- Zyra Vendore Fier ka nën mbikëqyrje **47** të dënuar për çdo punonjës.
- Zyra Vendore Shkodër ka nën mbikëqyrje **54** të dënuar për çdo punonjës.

Duke ju referuar statistikave, gjatë muajit Korrik 2010 kanë përfunduar periudhën e mbikëqyrjes **19** të dënuar. Shtesa për muajin Korrik 2010 (nga 01.07.2010 - 31.07.2010), prej **191** të dënuarish nën mbikëqyrje, rrit dhe ngarkesën e punës për specialistët.

3. *Numri i të dënuarve për secilin lloj dënimi alternativ.*

Statistikat për periudhën **01.06.2009 - 31.07.2010**, për secilin lloj dënimi alternativ, për të dënuarit e mbikëqyrur nga Shërbimi i Provës, janë si më poshtë:

- **1506** persona janë dënuar nga gjykata duke u aplikuar neni 59 i KP “pezullim i ekzekutimit të dënimit me burgim dhe vënia në provë”, shifër kjo e barabartë me **78.28 %** të të gjithë të dënuarve me dënime alternative.
- **32** persona janë dënuar nga gjykata duke u aplikuar neni 59/a i KP “qëndrim në shtëpi”, shifër kjo e barabartë me **1.66 %** të të gjithë të dënuarve me dënime alternative.
- **162** persona janë dënuar nga gjykata duke u aplikuar neni 63 i KP “Pezullim i ekzekutimit të vendimit me burgim dhe detyrimi për kryerjen e një pune në interes publik”, shifër kjo e barabartë me **8.42 %** të të gjithë të dënuarve me dënime alternative.
- **224** persona janë dënuar nga gjykata duke u aplikuar neni 64 i KP “Lirim me kusht”, shifër kjo e barabartë me **11.64 %** të të gjithë të dënuarve me dënime alternative.
- asnjë person nuk është dënuar nga gjykata duke aplikuar nenin 58 të KP “gjysmëliria”.

Këto të dhëna pasqyrohen më poshtë, në **Tabelën 2**.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 - 30.06.2010.

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	1506	78.28%
2	Qëndrimi në shtëpi neni 59/a i KP	32	1.66%
3	Lirimi me kusht neni 64 i KP	224	11.64%
4	Punë në interes publik neni 63 i KP	162	8.42%
5	Gjysmëliria neni 58 i KP	0	0%
TOTALI		1924	100%

Për periudhën 01.06.2009 - 31.07.2010 numri i të dënuarve me "punë në interes publik" është **162**, ndërsa pas përfundimit të këtij dënimi për 65 të dënuar, Shërbimi i Provës ka nën mbikëqyrje **97** të dënuar.

4. Raportet e Vlerësimit me kërkesë të gjykatës dhe prokurorisë.

Konkretisht për muajin Korrik 2010:

- ❖ Janë kërkuar nga gjykata 69 raporte vlerësimi për persona të pandehur dhe të dënuar,
- ❖ Janë kërkuar nga prokuroritë 36 raporte vlerësimi për persona nën hetim dhe të pandehur,
- ❖ Kanë ardhur 191 urdhëra ekzekutimi nga prokuroritë e rretheve gjyqësore, nga të cilët 31 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.

Ndërsa në total volumi i punës së Shërbimit të Provës për periudhën **01.06.2009 - 31.07.2010** jepet si më poshtë:

- ❖ janë kërkuar nga gjykata **902** raporte vlerësimi për persona të pandehur dhe të dënuar,
- ❖ janë kërkuar nga prokuroritë **267** raporte vlerësimi për persona nën hetim dhe të pandehur,
- ❖ Kanë ardhur **1924** urdhëra ekzekutimi nga prokuroritë e rretheve gjyqësore, nga të cilët **275** urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar procesi i mbikëqyrjes për **75** të dënuar.

II. Bashkëpunimi me OJF-të dhe pushtetin vendor.

Në zbatim të memorandumëve të bashkëpunimit që Shërbimi i Provës ka nënshkruar me OJF-të e specializuara që ofrojnë shërbime të ndryshme, të nevojshme për realizimin e programit të riintegritimit të të dënuarve në periudhë prove, janë zhvilluar aktivitetet e mëposhtme:

1. Në datën 27 Korrik 2010, u zhvillua një takim prezantues në lidhje me shërbimet që ofron shoqata "Aksion Plus", në kuadër të memorandumit të bashkëpunimit me Shërbimin e Provës. Në këtë aktivitet morën pjesë rreth 15 punonjës nga Shërbimi i Provës, Drejtoria e Përgjithshme dhe Zyrat Vendore, të cilët morën njohuri në lidhje me punën që kryen kjo shoqatë në fushën e riintegritimit të personave të dënuar, përdorues të drogave dhe substancave narkotike dhe psikotropike dhe mundësinë praktike të bashkëpunimit me të, për rastet e të dënuarëve me këto probleme, si dhe asistimn e tyre në mënyrë më të specializuar.

2. Për sa i përket bashkëpunimit me pushtetin vendor, përvec 27 memorandumeve të bashkëpunimit që kemi pasur nënshkruar më parë (me 16 Bashki dhe 11 Komuna), për të cilat ju kemi bërë me dije në raportet e mëparshme, këtë muaj janë nënshkruar edhe këto memorandume me njësitë e qeverisjes vendore dhe konkretisht:

1. Këshillin e Qarkut Fier
2. Këshillin e Qarkut Dibër
3. Bashkia Peshkopi
4. Komuna Kozare/Kuçovë
5. Komuna Krutje/Lushnje
6. Komuna Lazarat /Gjirokastër
7. Komuna Xhafzotaj/ Durrës.

Pra ne total kemi nënshkruar memorandume bashkëpunimi me 2 Keshilla Qarqesh, 17 Bashki dhe 15 Komuna. Ndërkohë që vazhdon puna dhe korespondenca për nënshkrimin e memorandumeve të bashkëpunimit edhe me bashkitë dhe komunat e tjera.

III.-Problematika e punës.

1.- Problem i Hapjes së Zyrave Vendore të reja.

Me hapjen e 4 zyrave të reja vendore me vendodhje në rrethet gjyqësore Lezhë, Korçë, Elbasan, Gjirokastër sipas Urdhërit të Kryeministrit nr. 140, datë 01.07.2010, "Për miratimin e Organikës dhe Strukturës së Shërbimit të

Provës", problem kryesor është gjetja e ambjenteve të përshtatshme pune për këto zyra. Nga ana jonë janë bërë përpjekje për këtë problem, duke ju dërguar shkresë për gjetjen e ambjenteve për ushtrimin e detyrave funksionale për 4 zyrat që u hapen, tiullarëve të pushtetit vendor në këto qarqe, (për të cilën ju kemi bërë me dije edhe Ju), por deri tani kemi përgjigje pozitive nga Kryetari i Keshillit të Qarkut Gjirokaster dhe nga Prefekti i Korçes të cilet na sigurojnë vetëm nga një zyre, ndërsa kemi përgjigje negative nga të gjitha strukturat e pushtetit vendor të Lezhës dhe Elbasanit.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEFGJINI

